

Et Piwipper Böötsche

Refrain:

*Heidewitzka, Herr Kapitän!
Piwipper Böötsche fahre mer su jähn.
Mer kann su schön em Dunkele schunkele,
wenn op Piwipp die Stääne funkele.
Heidewitzka, Herr Kapitän!
Piwipper Böötsche fahre mer su jähn.*

Erste Strophe

Eenmohl em Johr, doh wööt en Scheffstour jemaat,
denn su en Faaht, die hät Format.
Eenmohl em Johr, doh jeht et noh d'r Piwipp,
dat us am Hätze litt.
Ech un de Ming, Du un de Ding
wolle me'm Böötsche över d'r Rhing.
Un wenn von drüwwe mer d'r Schelmeton süht,
dann sengen Alle dat Leed
(Refrain)

Zweite Strophe

Sechshundert Johr, dat Böötsche es Tradition,
denn esu lang jütt et dat schon!
Sechshundert Johr, su lang es dat jitz alt her,
fahre mer krüx un quer.
Höhner un Kning, Hippe un Wing
wolle me'm Böötsche över d'r Rhing.
Un wenn von drüwwe mer d'r Schelmeton süht,
dann sengen Alle dat Leed
(Refrain)

Dritte Strophe

Jitz anjepack, un flöck dat Scheff p'rat jemaat,
denn op die Faaht, wööd alt jewaht.
Jitz anjepack, un och dat Hetz opjemaat:
Wir schreiten jetzt zur Tat!
D'r Hein un et Sting, d'r Schäng et Kathring,
wolle me'm Böötsche över d'r Rhing.
Un wenn von drüwwe mer d'r Schelmeton süht,
dann sengen Alle dat Leed
(Refrain)

Ursprünglicher Text und Melodie: Karl Berbuer, *1900 +1977;
Aktueller Text: Emil Drösser.